

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 9. sjednici, održanoj dana 23.02.2023.godine, d o n o s i

ZAKLJUČAK

I.

Prihvata se Mišljenje Ministarstva za boračka pitanja Zeničko-dobojskog kantona o odbijanju Inicijative Jedinственог удруženja demobilisanih boraca 92-95 Zavidovići od 05.01.2023. godine.

II.

Ovaj zaključak zajedno sa Mišljenjem Ministarstva za boračka pitanja Zeničko-dobojskog kantona broj: 13/02-02-18743-4-1-1/23 od 15.02.2023. godine, upućuje se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 23.02.2023. godine
Z e n i c a

DOSTAVLJENO:

1x Ministarstvo za boračka pitanja,
1x Stručna služba Skupštine,
1x a/a.



Broj: 13/02-02-18743-4-1-1/23
Zenica, 15.02.2023. godine

Stručna služba Vlade Zeničko-dobojskog kantona aktom broj: 02-1-30-18743-4-1-1/22 od 10.01.2023. godine, zatražila je izjašnjenje Ministarstva za boračka pitanja Zeničko-dobojskog kantona na Inicijativu Jedinstvenog udruženja demobilisanih boraca 92-95 Zavidovići. Ministarstvo za boračka pitanja Zeničko-dobojskog kantona daje slijedeće:

M I Š L J E N J E

Jedinstveno udruženje demobilisanih boraca 92-95 Zavidovići podnijelo je inicijativu sa prijedlozima za uvrštavanje u Program rada Skupštine za 2023. godinu kako slijedi:

1. Izmjena i dopuna Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14) radi provedbe i realizacije Zakona o pravima demobiliziranih branilaca i članova njihovih porodica,
2. Izmjena i dopuna člana 2. stav 1. tačka d) Odluke o proširenom obimu prava iz oblasti zdravstvene zaštite za branioce i članove njihovih porodica („Službene novine Zeničko-dobojskog kantona“ broj: 4/15 i 15/21), na način da se umjesto 06.04.1992. godine do 23.12.1995. godine upiše datum 18.09.1991. do 22.04.1996 godine i umjesto 24 mjeseca da se stavi 12 mjeseci a umjesto 12 mjeseci da se stavi 6 mjeseci,
3. Izmjena i dopuna člana 16. stav 1. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), na način da se umjesto 23.12.1995. godine upiše 22.04.1996. godine radi stvaranja mogućnosti i uslova za provođenje i realizaciju Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19 i 29/22),
4. Donošenje Zakona o značajnim datumima i događajima na području Zeničko-dobojskog kantona.

Imajući u vidu činjenicu da je došlo do izmjena seta federalnih propisa iz oblasti branilačko-invalidske zaštite kao što su Zakon o pravima branilaca i članova njihovih porodica i Zakon o pravima demobiliziranih branilaca i članova njihovih porodica, a cijeneći i druge okolnosti koje utiču na izmjenu propisa, Ministarstvo za boračka pitanja planira u narednom periodu provesti postupak donošenja novog Zakona o dopunskim pravima branilaca i članova njihovih porodica, kao i seta provedbenih akata. Provedbeni akti obuhvataju podzakonske propise – uredbе i odluke kojima se uređuju uslovi, način i postupak realiziranja pojedinih prava branilaca i članova njihovih porodica, među koje spada i podzakonski propis naprijed naveden u tački 2. predložene inicijative.

Izrada Zakona o dopunskim pravima branilaca i podzakonskih akata uvršteni su u Plan rada Ministarstva za boračka pitanja za 2023. godinu koji je preuzela i Vlada Zeničko-dobojskog kantona u svoj plan rada u skladu sa Uredbom o trogodišnjem i godišnjem planiranju rada, monitoringu i izvještavanju u FBiH.

Obzirom da postupak donošenja propisa podrazumijeva složenu proceduru i javnu raspravu te određene prethodne konsultacije, nije moguće prejudicirati na koji način će biti formulisani propisi, kako će biti precizirane pojedine odredbe pa čak i u kom obliku će biti formulisan podzakonski propis koji uređuje realizaciju određenog prava, pa se stoga ne može ni odrediti da se prihvata inicijativa na način kako je formulisana u tački 2 inicijative.

U svakom slučaju, u toku samog postupka donošenja propisa Jedinstveno udruženje demobilisanih boraca 92-95 Zavidovići može kroz javne rasprave i saradnjom sa udruženjima i savezima predlagati izmjene postojećih i predloženih rješenja.

Ministarstvo za boračka pitanja nije nadležno kao predlagač donošenja izmjena i dopuna Zakona o kantonalnim ministarstvima i drugim tijelima kantonalne uprave i Zakona o značajnim datumima i događajima na području Zeničko-dobojskog kantona.

S tim u vezi, može se istaći da u Ministarstvu za boračka pitanja Zeničko-dobojskog kantona postoji Odluka o utvrđivanju Kalendara obilježavanja značajnih datuma iz proteklog odbrambeno-oslobodilačkog rata Zeničko-dobojskog kantona broj: 13/03-2-5-37-6840/22 od 22.04.2022. godine. Ovaj kalendar i odluka donose se i ažuriraju svake godine i na osnovu njega obilježavaju se značajni datumi i događaji vezani za period odbrambeno-oslobodilačkog rata u Zeničko-dobojskom kantonu.

Imajući u vidu navedeno, Ministarstvo za boračka pitanja smatra da se Inicijativa Jedinstvenog udruženja demobilisanih boraca 92-95 Zavidovići od 15.08.2022. godine na ovaj način precizirana ne može prihvatiti.

MINISTAR

Adnan Sirovica

Dostavljeno:

1x Naslov

1x a/a



Bosna i Hercegovina, Zenica, Kučukovići br.2.
Telefon: 032/460 790, 460 791; Fax: 460 792, e-mail: min.boracka@zdk.ba